

MINEDUC

AKARERE KA MUHANGA

**IKIZAMINI K'IKINYARWANDA UMWAKA WA 6 W'INDIMI N'UBUVANGANZO
IGIHEMBWE CYA 2 UMWAKA WA 2025-2026 /amanota100**

Amazina yawe:..... ishuri.....

Amabwiriza

- 1) Andika amazina yawe kuri iki kizamini
- 2) Ikizamini kigizwe n'ibibazo (20) n'ibice bine by'ingenzi:

-Igice cya mbere: kumva no gusesengura umwandiko (**amanota30**)

- Igice cya Kabiri: Ikibonezamvugo (**amanota26**)

- Igice cya gatatu: ubuvanganzo n'ubumenyi rusange bw'ururimi (**amanota29**)

-Igice cya kane: Ihangamwandiko (**amanota15**)

- 3) Subiriza mu mwanya wagenwe.
- 4) Subiza muri make utarondogoye.
- 5) Ibisubizo bigomba kuba bifututse kandi byuzuye.
- 6) Irinde gusiribanga
- 7) Koresha ikaramu y'ubururu cyangwa umukara.

Umwandiko: Igitero Cy'I Butembo

Igitero k'i Butembo cyabaye mu mwaka wa 1874. Ikimenyetso cy'uwo mwaka cyabaye Nyakotsi yitwa Rwakabyaza yagaragaye mu Rwanda mu kwezi kwa Nyakanga 1874. Impamvu y'icyo gitero yabaye iyi ngiyi: hariho Shabikobe bya Sebitoriyi, agatunga inka z'inyambo zitwaga Imisakura. Izo nka bazigishishiriza i Kamurongi, agahugu kari ku mutwe w'ikiyaga cya Kivu ku mupaka w'u Buhunde. Umuhinza wo mu Buhunde witwaga Muvunyi wa Karinda arazitera arazinyaga. Iyo nkuru igeze kuri Kigeri IV Rwabugiri, ari i Rwamaraba, asanga bibaye ngombwa kujya guhorera izo nyambo ze zanyazwe n'uwo muhinza. Nyamara ubundi uwo Muvunyi yayobokaga u Rwanda, akajya yohereza amakoro ibwami.

Igihe ari mu byo guhaguruka, haza intumwa za Mwezi IV Gisabo, umwami w'u Burundi. Izo ntumwa zari Abaganwa batatu, baherekejwe n'intore ijana. Batumye ibwami kuvunyisha, Rwabugiri abatumaho ko ari mu rugendo, ko abaheje kugeza igihe azahindukirira. Abasigira umutware we Mugabwambere wa Nyamutera, akajya abacumbikira i Kanyinya na Rubingo rwa Shyorongi. Ategeka ingo ze zose ko zizajya ziboherereza amazimano. Bakazibagira inka eshatu buri munsu, uretse iby'amazimano yandi y'ibiribwa n'amayoga.

Rwabugiri amaze guhaguruka iwe i Rwamaraba, atuma abantu ku bagore be ngo barushanwe kwitegura intumwa za Mwezi, anababwira ko uzarusha abandi umwiteguro ari we uzatahirwa n'ibirori by'imyiyereko, bikazakirirwamo intumwa za Mwezi. Abwira izo ntumwa ati: "Ungire Cyivugiza ya Gatsibo, [... Umbwirire Muhundwangeyo wa Ngarambe, Umukobwa uteye abahungu imbabazi, Uti: 'Witegure intumwa za Mwezi.' Ningushima ingabo zizagutaramira, Inyambo zitahe iwawe." (Uwo yari Kangeyo ka Kanyabujinja ka Nyiracumu, wagengaga urugo rw'i Gatsibo) [...] Rwabugiri yahagurutse i Rwamaraba ataha [...] i Rubengeru, ahategerereza abatasi yari yarohereje kumutatira u Buhunde [...]

Abo batasi bamaze kurondorera umwami ibyo kwa Muvunyi wa Karinda, umuhinza w'u Buhunde n'abatware bakomeye muri icyo gihugu, intore zo mu Ngangurarugo zihimbiraho indirimbo yitwa Rwahama [...] Igitero kigeze mu Buhunde, cyaje kurwanya Muvunyi wa Karinda, araneshwa ariko arabikinga ntibashobora kumushyikira. Ubwo ingando ya Kigeri IV Rwabugiri yari i Runyana. Amaze gutsinda Muvunyi n'abategeka bandi bo mu Buhunde, Murego wa Bigiri we ndetse yatewe mbere ya Muvunyi. Shabiganza we ngo yaba yarahunze ariko ntibizwi neza. Abandi batewe bagatsindwa ni Murengezi wa Nyarubwa na Karengu na Rwankuba rwa Gahinda. Twabonye mbere ko umwami yari aganditse i Runyana. Yari yaratatishije Nkingo iri hafi y'u Runyana, kuko mu bwiru bari bazi ko ari ho Abarengu baramvuye ingoma y'ingabe yitwaga Mpatsibihugu. Ategeka abiru be kuharamvura ingoma y'ingabe nshya yari yageneye iryo zina rya Mpatsibihugu, kugira ngo ayungukiremo ububasha bw'Abarengu ba kera, bategekaga ibihugu bigari u Rwanda rwari rutarigarurira byose. Aho Rwabugiri

amariye gukubanga u Buhunde bwose, abaza abatasi be ati: "Inyuma y'ishyamba turuzi rihetuye u Buhunde, hari ibihugu nyabaki?" Abatasi bamubwira ko batabizi, ko ari ntwigeze arenga iryo shyamba. Ariko bamumenyesha ibyo bumvanye abandi, ngo uryinjijemo amaherezo inzira yinjira mu mugezi wa Nyabarongo, akaba ari yo bagenda bavogera, ikikijwe n'inzitiro z'imigano. Rukaba urugendo rururure kuzagezabagenda bavogera,

ikikijwe n'inzitiro z'imigano. Rukaba urugendo rurerure kuzageza aho inzira izakukira bakabona kugenda ahatari mu mazi. Rwabugiri ati: "Nimuhogi tugende tuge kureba ibihugu byaba inyuma y'ishyamba, ubwo hatataswe tuzagenda tuhitatira ubwacu." Ingabo zose zinjira mu ishyamba, amaherezo koko binjira muri wa mugezi, inzira iwinjiramo na bo barawuvogera, Rwabugiri n'abagore be bahetswe. Ngo urworugendo baruhereye mu gitondo bakuka uwo mugezi ikigoroba. Aho bakukiye uwo mugezi wa Nyabarongo rero, bagandika mu ishyamba. Bukeye barakomeza bahinguka ahantu hatamurutse hatuwe n'abantu bameze nk'Abahunde, ariko batazi ibi byuma bicurwa. Barwanishaga ibisongo by'imigano kandi bagahingisha inkonzo z'ibiti. Babonye abo bantu bapfupfunutse mu ishyamba, bagerageza kubarwanya, ariko Abanyarwanda barabatsinda. Ingabo zikomeza zikurikiye inzira yo mu ishyamba, zibona indi Midugudu imeze nk'iyi bari bahingukiyeho mbere. Ariko muri iyi Midugudu bahasanga ibintu abo baturage babo bahingaga, byari bibatunze. Kuko rero impamba zari zagabanutse, umwami abwira rubanda ati: "Nimurye biriya bintu, ubwo byari bitunze abandi bantu namwe byabatunga, nitugera i Rwanda muzanywe imiti yo kubahumanura." Ibyo bintu bavuga byari amashaza. Hanyuma bajya guhaguruka ngo bagaruke mu Rwanda, umwami ateguka ko bazagarukana imbuto zayo.

Aho azagerera i Rubengera ngo ahingisha mu gikari utuyoyi two kororeramo ayo mashaza. Izina bayitaga acyaduka, akikwirakwiza mu Rwanda bwa mbere, ryari amashaza kuko yabanje guhingwa mu Bwishaza. Ntabwo Abanyarwanda batangaga amakoro y'amashaza kuko atari umwaka wa karande mu Rwanda; kandi n'uwaryaga amashaza ntiyashoboraga kunywa amata ngo amashaza yica inka. Ngicyo rero ikintu k'ingirakamaro igitero k'i Butembo cyagiriye u Rwanda: kururonkera imbuto nshya.

Aho izina ry'igitero k'i Butembo ryaturutse ni muri iryo shyamba riri inyuma y'i Buhunde n'u Buhavu. Aka karere kose kari inyuma y'ishyamba mu burengerazuba bw'ibyo bihugu byitwa Butembo. Igitero cyari cyarahagurukiye u Buhunde, hanyuma kirenze ishyamba kivanayo izina ry'u Butembo [...] Bamaze kugera mu Rwanda ingabo zitabaruka ukwazo zerekeje mu Buriza n'u Bwanacyambwe ngo zizahahirire n'umwami zikore imihango y'imyiyereko, ari wo muni w'ibirori byasezeraga ibitero. Naho Rwabugiri aherekezwa n'abatware bamwe anyura iyo mu Murera ahinguka ku Rusumo kwa Magara (ku Rusumo rwa Kabona ku ngezi ya Burera) anyura iy'u Buberuka, agana iwe i Gatsibo ngo arebe uko umwamikazi Kangeyo ka Kanyabujinja yari yarakoze mu mwiguro. Twibuke ko atabara yari yaratumye ku bamikazi bose ngo bazamwigure, uzarusha abandi akazaba ari we utaramirwa n'ingabo

zitabarutse. Ageze i Gatsibo, areba imyiteguro y'urwo rugo [...] Umwami atanga umunsi wo kubyukurutsa. Birangiye arahaguruka. Ageze i Gasabo iw'umwamikazi Bayundo ba Rwigenza [...] asanga umwiteguro waho uruta uw'i Gatsibo. Nanone barabyukurutsa, hanyuma umwami arahaguruka ajya i Kabuye ka Jabana iw'umwamikazi Kanjogera. I Kabuye bari barakoze umwiteguro urushijeho guhimba [...] Basanga ari ibwami koko. Kuko rero Kanjogera yari inkundwakazi, Rwabugiri atumiza ba Barundi bo kwa Mwezi bamusanga i Kabuye. Ingabo ziyereka ari ishyano ryose, hatumiwe n'izitari zaratabaye ari ugushaka umurato wo kwereka Abarundi. [...] Umwami rero yamazeiminsi i Kabuye, hanyuma arahaguruka ajya i Kigali ari kumwe na ba Barundi. Bageze kwa Nyirandabaruta ya Sendirima, basanga umutako [...] uruta ahandi hose ku buryo bitari bigifite n'igereranyirizo [...] Mu birori by'imyiyereko, ingabo zitabarutse, nibwo Biraro bya Nyamushanja wa Rugira yahimbiye Rwabugiri ikivugo "Inkatazakurekera" arakimutura.

IGICE CYA MBERE: KUMVA NO GUSESENGURA UMWANDIKO (amanota 30)

Subiza ibibazo bikurikira / **amanota 4**

1. Uyu mwandiko ni bwoko ki?
 - a) Umugani muremure
 - b) Insigamugani
 - c) Igitekerezo k'ingabo
2. Iki gitero cyabaye ku ngoma y'uwuhe mwami?
 - a) Kigeri Rwabugiri
 - b) YUHI Gahindiro
 - c) MUTARA Rudahigwa
3. Urugo rwa KIGELI Rwabugiri rwari ahitwa
 - A) I shyorongi
 - B) I Rwamaraba
 - C) I Kanyinya
4. Ni iyihe mpamvu yatumye haba iki gitero cy'I Butembo?
 - A) Inka z'u mwami zari zanyazwe.
 - B) Umwami yashakaga kwigarurira igihugu cy'ubuhunde.
 - c) Rwabugiri yashakaga kwica umuntu wafashe igihugu cy'ubuhunde.
5. Uzuza interuro zikurikira ukoresheje ibivuye mu mwandiko: / **amanota 6**
 - a) Mu gitero k'i..... Abanyarwanda bahakuye imbuto y'.....
 - b) Igitero k'i Butembo cyabaye mu wa.....cyagabwe kiyobowe n'umwami

c) Igitero cyahagurukiye igisorezwa inyuma y'ishyamba
i.....

6. Ni ikihe gihembo cyari giteganyirijwe umugore uzarusha abandi kwitegura?
/Amanota2

A) Imyiyereko y'ingabo yari kubera iwe.

b) Yagombaga guhabwa inka.

c) Kuba umutoni ku mwami.

7. Vuga ibindi bitero bibiri waba uzi. **/amanota 2**

.....

8. Sobanura aya magambo ukurikije inyito afite mu mwandiko wasomye.
/amanota 8

a) Kugishisha inka :

b) Kuramvura ingoma :

c) amakoro:

d) Kunyaga:

9. Subiza ukoresheje **NI BYO** cyangwa **SI BYO** **/amanota 8**

a) Intumwa umwami w'u Burundi yohereje, Rwabugiri Yazicumbikiye I
kanyinya.....

b) Abahunde Barwanishaga ibisongo by'imigano kandi bagahingisha inkonzo
z'ibiti ntibari bazi ib'ibyuma.....

c) Abanyarwanda batangaga imbuto y'amashaza nk'amakoro

d) Rwabugiri yagiye iwe i Gatsibo ngo arebe uko umwamikazi Kangeyo ka
Kanyabujinja yari yarakoze mu mwiteguro.....

e) Umuntu waryaga amashaza yanywa amata ntibigire icyo bitwara.....

f) Intumwa z'uburundi zahuriye na Rwabugiri I kabuye.....

g) Umwamikazi kanjogera niwe wari wariteguye kurusha abandi bagore
b'umwami.....

i) Biraro bya Nyamushanja wa Rugira yahimbiye Rwabugiri ikivugo
“Inkatazakureka”

IGICE CYA KABIRI: IKIBONEZAMVUGO(amanota 26)

10. subiza **yego** cyangwa **oya** ku bwoko bw’amagambo /**amanota 10**

- a) Umwana **murizi** ntakurwa urutozi . igisantera.....
- b) Saa sita **dufitanye** inama. Inshinga itondaguye.....
- c) **Henga** nze tugende.ikegeranshinga
- d) Kamana araterura ati”ndabashimiye **mwese**”.ikinyazina ngenga.....
- e) Wa mwana yabitsinze **da!** Akamamo.....
- f) **Aho** kurara **aho** ntashaka narara **aho** muni y’urugo nubwo ari **aho** guhinga

-**Aho:** icyungo..... - **aho:** ikinyazina nyereka..... - **aho:**
ikinyazina mbanziriza..... -**aho:** ikinyazina ngenera

g) Kugira ngo umuzi w’inshinga uboneke bakoresha uburyo bw’integeko.

11.Garagaza niba uturemajambo tw’amagambo akurikira ari two ukoresheje
“ **ni byo** cyangwa **si byo** /**amanota 5**

A)**Uwo** muntu naze mubwire.u-u-o

b) Abagore **be** bose bari biteguye.**ba-e**

c) Mutesi **yakoze** umukoro. i-a-kor-ye

d) **Ahinga** ibigori:a a-ø-hing-a

e) Mukecuru **aratera** ibishyimbo. a-ra-tera

12. Inshinga zitsindagiye zitondaguye mu buhe buryo bw’inshinga?
/**amanota5**

a) Amakuru numvise kare, **yanshimishije** :

b) **Uwiga** aruta uwanga..

c) Dukoze cyane **twatera** imbere :

d) **Nitugerayo** tuzishima.....

e, Iminsi iranze iranyigaranzuye **yogapfusha:**.....

13, Tanga urugero rw’ijambo twasangamo aya majwi./**amanota3**

- a) [n].....
- b) [mŋ].....
- c) [3gw].....

14. Garagaza ahantu hatatu dukoresha agatangaro mu myandikire y' ikinyarwanda. / amanota3

.....

IGICE CYA GATATU: UBUVANGANZO N'UBUMENYI RUSANGE BW'URURIMI /29

15.uzurisha amagambo yabugenewe mu bisigo akurikira:impakanizi, icyanzu, ikoby, intebe y'abasizi, umusayuko / amanota5

- a) Umuyobozi w'abasizi yitwa.....
- b) Igisigo kidakurikiranya abami uko bagiye basimburana ku ngoma cyitwa.....
- c)Igisigo kirekire kivuga abami uko bagiye bakurikirana ku ngoma cyitwa.....
- d)Igisigo k'igisigo aho umusizi asoza yisabira ibihembo cyitwa
- e)Igisigo gihurutuye cyivuga abami uko umusizi yishakiye cyitwa.....

16.Huza aba abasizi n'ibisigo byabo/ amanota4

Umusizi	igisigo
a) NYAKAYONGA	i)ukwibyara
b) YUHI MAZIMPAKA	ii) Naje kubara inkuru
c) SEKARAMA	iii) Umunsi ameza imiryango yose
d) NYIRARUMAGA	iv) Singikunda ukundi

- a)
- b)
- c)
- d)

17. Tanga ingeri 3 z'ubuvanganzo nyabami waba uzi unazisobanure.
/amanota 6

.....
.....
.....
.....
.....
.....

18. Uzurisha aya magambo dusanga mu myororokere y'inyambo: **ingegene, ibigarama, inkerakibumbiro, imirizo / Amanota 4**

Kugira ngo inyambo zororoke mu gihugu umutware w'inyambo yafataga inka zo mu bwoko bw'inkuku akazibanguriza ku bimasa by'inyambo zikabyara inka zitwaga.....izo nka zakura akazibanguriza nanone ku bimasa by'inyambo zikabyara izitwaga.....maze nazo akazazibanguriza ku bimasa by'inyambo zikazabyara izitwaga.....hanyuma na zo akazibanguriza ku bimasa by'inyambo zikabyara ari zo nyambo zuzuye.

19. Simbuza amagambo ari mu dukubo imvugo yabugenewe. /amanota 10

Ejobundi nanyuze (**aho umwami yahuriraga n'abaturage**).....mpabona (**ikirundo k'inzuki**)..... (**n'ikirundo k'intozi**).....nkomeza ngana mu (**nzu y'umwami**)..... mbonamo (**uburiri bw'umwami**)..... hanyuma banyereka (**urwagwa ruvanze n'ubuki**).....n'(**ikigage kirimo ubuki**).....ndetse n'(**inzoga ikoze mu buki gusa**).....bananyereka igisabo hamwe n'(**umupfundikizo**)..... bagipfundikizaga. Nuko ndataha mbisobanurira (**umwana wa musaza wange**).

IGICE CYA KANE: IHANGAMWANDIKO(amanota 15)

20. Mu mirongo 25 Hanga umwandiko ntekerezo ku nsanganyamatsiko ikurikira 'Akamaro ko gutura mu midugudu" ubigaragarize byibura mu ngingo eshatu.

